

Era istòria de Taüll Orgànics

Nòm:

Grop:

Eth legat deth passat inspire a ua familha a crear ua empresa de productes naturaus de nauta montanha tara salut e eth benèster.

Eth primèr gran tà que neishesse era empresa TaüllOrgànics siguec era curiositat d'Anna. Entusiasmada pera relacion entre era natura e es persones comencèc a lièger sus es plantes medicinaus en Pirenèu.

En passat, es pòbles deth Pirenèu viuien dera natura tant per çò que hè ara alimentacion coma ath vestir e eth guariment de cèrti maus. Es nomentadi *remelers*, òmes e hemnes que coneishien es efèctes terapeutics d'èrbes e plantes pirenenques, auien recèptes vegetaus entà diferents malauties. Atau creèren era sabença populara sus es remèdis gràcies as principis actius des plantes medicinaus.

Ua des plantes qu'utilizauen es *remelers* ei era *arnica montana*. Ei ua flor de huelhes jaunes, perenna e eth milhor antiinflamatori naturau eficaç entà persones e bestiar. Actuauments se tròbe en perill d'extincion.

Anna, inspirada peth legat des ancèstres e comprometuda damb era sostenibilitat des montanhes, preneç era decision, amassa damb era sua familha de cultivar arnica.

De hèt, son es primèrs precursors en cultivar-la ena peninsula Iberica de manèra ecologica, ei a díder, sense lançar erbicides que prejudiquen era planta tà que pogue créisher damb totes es sues propietats.


Eth Consell Català de Producció Agrària Ecològica(CC PAE) certifique es cultius.

Quan aueren 80.000 plantes se demanèren quin camin escuelhien: véner era matèria primèra o ben hèr productes damb era flor d'arnica. Ac auerem clar, elaborarien productes de nauta montanha tara salut e eth benèster.

Er an 2008 neishec TaüllOrgànics ena Vall de Boí e se desvolopèc era mèrca. En primèr lòc, trabalhèren en dessenh o identitat visuau.

En segon lòc, heren pròves de productes entà arténher era textura e er embalatge avient enquia inventar un petit roll-on qu'en aplicar-lo ena pèth calme e des-hole, e ua crèma doça de facil absorcion. Toti dus solatgen es patacs, era tension musculara e es cames cansades des persones que les utilizen. Era fabricacion e er envàs des productes lo realize un laboratòri.

En tresau lòc, cerquèren distribuïdors entà véner es productes. Un prètzhet constant e soent dificil. Es sòns productes se pòden trobar sustot en farmàcies, en linha, ena sua plana web, e tanben les venen en Còsta Rica e Guatemala.





Pòc a pòc an introdusit nau cultius de plantes coma era calendula, era rodiòla e era flor de nhèu o Edelweiss qu'ei en perill d'extincion e en son es unics cultivadors deth país. Er objectiu de TaüllOrgànics ei aufrir productes d'execellenta qualitat, procedents de plantes de cultiu ecologic qu'ajuden a millhorar era salut des persones. En conseqüència, trabalhen cada dia entà crear damb tecnica e innovacion naua productes competitius en mercat.

Taüll Orgànics desire consolidar-se com ua mèrca de confiança, gràcies as sòns productes, valors e coerència.

Se vòs mès informacion sus Taüll Orgànics, consulta era plana web: <https://www.taullorganics.com/>

VOCABULARI E EXPRESSIONS

Sostenibilitat: conjunt de politiques destinades a hèr compatible eth creishement economic e era preservacion dera biodiversitat e evitar, en darrèr tèrme, era degradacion dera biosfèra provocada pera accion umana.

Erbicida: dit des substàncies quimiques emplegades entà eliminar es males èrbes.

Distribuïdor: persona o empresa dedicada a distribuïr productes.

Distribuïr: assignar bens e servicis destinadi ath consum finau laguens deth procès productiu.

SINONIMS

Precursor: predecessor, davancièr.

1 AUEM CURIOSITAT

1. Coneishes era Alta Ribagorça? Cerca en Internet quini son es tres municipis en qué se dividís aguesta comarca pirenenca de Catalonha, e en quin des tres se tròbe Taüll.

.....

2. Ara que sabes era istòria de TaüllOrgànics, perquè cres qu'Anna e era sua familha li meteren aquest nòm? S'ei de besonh, cerca en diccionari era paraula "organic".

.....

3. Qué son es principis actius des plantes medicinaus?

.....

4. Qué li dideries a un amic o amiga que te diguesse que non ei important conservar eth mèdi naturau? Escriu es tòns arguments e comenta-les ena classa.

.....